

裕
後
錄

新
辛未
夏刊

青學齋裕後錄目次

卷上

趨庭聞見述

題曾伯祖及族兄安齋試藝合裝卷

書家容甫先生與劍潭書後

兩印記

刻和字石印記

家塾芻言

卷下

家塾瑣語

崑山建試館約

遺訓

甲子至戊寅所得書目敘

重編書目記

錄澹生堂藏書約書以示後

書孔子集語後

跋陳行可師手書陰隲文龍興寺碑

書孫徵君理學宗傳後

記貓

說貓

青學齋裕後錄卷上

新陽汪之昌

趨庭聞見述

七世祖封儒林公自歛游吳先居宋仙洲巷後遷王洗馬巷今宅宅爲明太僕吳公默故居舊有會元匾額在敬業堂對霽中吳趨各支均由此分厯代神主俱供奉影堂惟曾祖光祿公歿於三有堂神主向供三有堂焉吳中例於正月初四夜祀財神比戶皆然相傳祖時循例供設明晨鄰居咸來問訊昨夜係屬有何事更深後馬騎蹴踏並見五白馬繫門前家人中毫無聞見也吳

中至今稱財神曾降吾家云

五世祖封朝議公幼出天花喘息僅屬療救罔效諸醫
僉稱不治乳母趙氏不忍棄置抱挾懷中竟夜痘遂徧
發後趙氏歿高祖榮祿公墓象藏諸新年懸挂祖先影
象側且命本支子孫奉祀無斁余幼時到三有堂亦瞻
拜焉

吾家之入崑新籍始自五世祖朝議公公以事過崑山
適崑山文廟頽壞縣人議興修公慨然獨任捐貲成之
學使者入告奉旨入籍後曾伯祖叶淵公由崑庠生入
翰林故族中曾伯祖支下籍崑新府君榮祿公懼先澤

就湮爰命

昌

等應新陽縣試俊民兄以新陽廩膳生得

選拔旋中式陶民兄與

昌

俱爲新陽增廣生

昌

於丁卯

中副貢祺禔兩姪亦新庠生先是府君欲改隸新陽籍族中有相阻相非者近其後裔亦入新庠吁冒籍他省改易祖先名字以倖博科第自爲得計反以承先澤爲非是亦異矣朝議公性好施凡義舉率先倡始曾建某州某縣義倉及育嬰諸善堂詳州縣志及家乘今禮和堂有學使張提刑謝新陽縣陳三匾額存焉

曾祖光祿公嘗以爲善最樂讀書便佳八字書懸座右生平於地方義舉捐助鉅萬詳載家狀彭二林先生觀

河集有詩紀事焉吾祖榮祿府君入元和庠撥府學諸伯祖亦先後游庠三伯祖中式乾隆甲寅科順天副榜府君嘗以舊紙囑陳行可師書事能知足心常愜人到無求品自高楹聯於書室

府君嘗訓

昌

等曰近人略識文義卽喜作小詩或議論

時事或發人陰私卽使事事得實已非不在位不謀政及隱惡之義昔人以爲此等人大抵柰何不下胸中數卷書何不以之攷訂古書旣可以驗一己之識見並可備後人之取資

吾宗以忠厚傳家凡地方義舉或倡或助上荷 詔書

樂善好施之褒榮祿府君尤善繼述而廣解推道光中
吳中疊逢歉歲道殣相望府君捐貲掩埋己酉年吳地
大水居民失業者眾府君捐款助振又念城南一帶孀
婦無可營生朝夕莫保爰按月按口給錢俾終其身親
友聞風協濟相屬咸豐甲寅秋四兄大病垂危恍惚中
無數肢體殘缺者送之歸問若輩何爲僉言感汝家情
誼欲知其故問朱八爺張師爺便明四兄病隨愈朱張
二人吾家司賬友二人恆任散錢等事

大母潘夫人性習儉勤

昌

尤所鍾愛府君恆令

昌

侍膳

以斯每日當午庖人於內廳東偏排列二三卓羅列盆

盥以所治穀菽呈大母俟指揮勻置乃分給內外焉年
稍長每晨見廚娘以所購魚肉等秤呈吾母前直至咸
豐庚申年未改卽此一端可見家法昌幼時見大母房
中漆案抽屨內裹藥紙綫束整齊問嫗輩每留以易完
全紙張此雖瑣末藉見大母吾母當吾家盛時未嘗妄
費後人其可不念艱難哉

徽人劉七童時卽侍奉我曾祖光祿公後在吾家司閭
每述舊事時昌纔數歲未能握管以記大概惟憶劉言
府君幼孤同居族某多方欺凌賴四伯祖保護此事府
君曾未之言然四伯祖歿府君哀感殊常至發嘔血疾

吾母潘夫人嘗訓昌等曰各府縣所設書院原爲寒士地汝等幸叨祖遺衣食粗足卽不與考窗下何嘗不可用功

昌等幼時家中所雇嫗婢吾母諭以凡閭里鄙俚穢褻事不許出諸口昌等晚間散學入內廳環侍吾母旁聽

說古事不離乎聖賢遺行佚說若公冶長解鳥語采桑者教孔子穿九曲珠類則尤習聞詳余書孔子集語後家塾舊有府君四書文帙餘鉅冊試帖詩五六冊有經試帖聯珠紫雲仙館試帖選刻者書畫舫試帖中選刻尤多經難後僅存四書文十餘首

府君於碑帖書籍名人畫本收藏頗多漢碑若魯峻啟
母廟校官曹全各種咸有國初諸老題跋唐刻則智永
千字文九成宮銘磚塔銘全文諸種著稱吳中外若韭
花帖殘本初拓淳化閣帖四卷紹興米帖兩卷亦世間
罕覲者又宣和內府舊藏蘭亭趙松雪碑帖數種或初
拓本或已無別本其名則已忘之三朝名繪一冊皆唐
宋元名人手筆明人若仇實父之貨郎擔村塾圖文徵
仲江南春卷董香光唐人詩意十幅芥山園居詩帖尤
所心賞國初名家若南田四王及諸書家書多不能舉
其名書籍雖無宋版憶髫年夏日陳曝庭中止能約略

形式大都舊刻精鈔或經名人收藏或經名人勘定惟架上史記兩漢書府君三次手校道光丁未夏以五色筆校南北史一過咸豐壬子春夏間又校國志一過時

昌

略有知識每旁侍助緝檢固目覩也

府君所著雲煙過眼錄二卷上卷記所藏所見舊拓碑帖下卷皆名家墨迹畫本蜚香閣藏書目隨所得著錄未經編定道光庚戌年得某家舊藏元明人尺牘兩鉅冊約百餘通府君撰總跋千餘言於後而冊中諸人姓名事迹見於紀載者分別詳錄先是有以立晏齋祖本十三行質錢府君卽招工描摹上石今存耕陰祠中松

齋法書六卷皆家退谷先生遺墨亦在祠壁已缺數石
大父工六法具見畫徵錄畫識等書作畫或題水旁秦
字藏於家者山水冊一本存親友處者彭文敬詩集有
龍潭秋柳長卷潘文勤潘辛芝兩表兄各存數幅府君
間亦作畫家中夙無藏本聞十二房培之姪有扇面一
張屢請觀未得也

昌

髫年當夏日見府君取所藏帖臚列案頭臨摹消暑
自咸豐辛亥後日臨孫過庭書譜每晚作日記雖止一
二行而蕭疏古淡之致迹已無存宛然在目

客冬何菊生述榮祿公一事云聞之老八房堂兄吟雲

當避難鄉間時遇吟雲兄對之歎曰使大叔在

吟雲爲攬英伯

子故稱榮祿公以叔

吾家何至狼狽至此詢其故曰某年伊姊嫁

後已在歲暮所用各款尙少數百金計無所措適榮祿公到介眉堂攬英伯談及之翌日遣人招談天攬英伯以事未了不欲赴諸叔謂榮祿公夙任排解見招必有意盡往乎迨晚歸欣然色喜懷中出一紙計銀如所缺之數族誼如此必不令吾輩陷危城中得脫後斷不至困悴若是

時貝氏同居菊生館貝氏約庚辰辛巳年

榮祿公性嚴重閒居竟日無惰容雖盛暑入內廳必披衣嘗聞諸姊曰俊兄幼以事到親戚家隔夕公必告以

進退揖讓儀節並戒凡長者前毋僂言

昌

八九歲嘗同

客飯訖投箸起公訓飭之猶憶十三四歲時某夕俊兄
昏定公因日間見與先生坐而問答嚴加訓飭一日以
陪客冠而單袍亦責之

敦閒舅氏嘗告

昌

曰昔年扶文恭匱回南時汪夫人高

年多病合家隨行一切旅費自必較鉅爰取京寓所有
及寄存親朋各款悉數置行篋尙未到蘇資斧罄盡惶
急無以爲計乃甫抵里門爾府君見過手文恭前後寄
銀信及銀三千兩付還蓋文恭有銀卽寄素不登記簿
籍故家中人無知之至是聞者無不感歎舅氏言畢又

慨然曰以若干之鉅貲明知無可稽之數甫遇卽如數檢還雖係至戚豈可望諸近世哉此等識量舉動不屑爲目前計垂裕後昆者久且大爾輩務善承之

府君以勤儉持家然義舉苟有聞見無不免行此編纔錄一二聞諸老友言道光壬寅癸卯間直隸山東有府縣疊遭荒歉餓莩盈道府君聞而心惻適大房子山九叔父以院試見擯遂與族人爲之捐監並醵錢助行裝另以鉅金屬其沿途遇有道殣設法爲掩蓋是年子山叔中式順天鄉試舉人耕蔭義莊之建也原議我曾祖光祿公支下各房及曾伯祖太史公支下各房共成之